



Republika e Kosovës
Republika Kosova – Republic of Kosovo
Komuna e Drenasit
Opština Drenas – Municipality of Drenas
Kuvendi Komunal



P R O C E S V E R B A L
I
DËGJIMIT BUXHETOR

REPUBLIKA E KOSOVËS KOMUNA GLOGOC GLOGOC MUNICIPALITY			
PRANUAR	16.09	2024	
Nj. Org.	Numër	Shtojca	Vlera
02	060101-45713		

Datë: 16.09.2024
Ora: 10:00
Vendi: Salla e mbledhjeve të Kuvendit të Komunës

Dëgjimi publik i thirrur nga Komiteti për Politikë dhe Financa kishte si të ftuar qytetarët e Komunës së Drenasit dhe administratorët e vendbanimeve. Ky dëgjim kishte për objekt shqyrtimin e buxhetit të Komunës së Drenasit për vitin 2025 dhe parashikimet për vitet 2026-2027. Në takim ishin të pranishëm:

Ramiz Lladrovci	Kryetar i Komunës së Drenasit
Albulena Saliuku	Drejtoreshë e Drejtorisë për Buxhet dhe Financa
Kushtrim Bajraktari	Zyrtar Kryesor Financiar
Azemine Gjoka	Asamblete e Kuvendit Komunal
Bekim Dobra	Udhëheqës i Zyrës për Komunikim me Publikun
Florentina Elezi	Asamblete e Kuvendit Komunal
Arbër Halilaj	Asamblist i Kuvendit Komunal
Hamit Haxhiu	Asamblist i Kuvendit Komunal

Dëgjimin e hapi Udhëheqësi i Zyrës për Komunikim me Publikun, **Bekim Dobra**, i cili iu drejtua të pranishmëve me fjalët si vijon: I nderuari, Kryetar i Komunës së Drenasit, z. Ramiz Lladrovci, drejtor të drejtorive komunale, anëtar të Kuvendit të Komunës, administrator të fshatrave, qytetar.

Jemi mbledhur sot në këtë dëgjim buxhetor për të diskutuar planifikimin e buxhetit për vitin 2025 dhe projeksionet për vitet 2026-2027.

Kalendari i dëgjimeve buxhetore është përgatitur me kohë, sipas afateve ligjore dhe është publikuar në ueb faqen zyrtare të komunës, në platformën e konsultimeve publike në rrjetin social të facebook-ut si dhe janë kontaktuar të gjitha grupet e nen përfaqësuar për të qenë pjesë e këtij dëgjimi buxhetor. Komuna e Drenasit ka të hartuar edhe data bazën e të dhënave, ku është shfrytëzuar për të marr pjesë të gjitha grupet e interesuara.

Komuna me kohë ka bërë njoftimin dhe ftesën. Që nga muaji maj i këtij viti, pasi që kemi pranuar Qarkoren Buxhetore, kemi ftuar ekspertët, OJQ-të, Shoqërinë Civile dhe profesionistët për të kontribuar në hartimin e këtij dokumenti.

Ky dokument është përgatitur në bazë të Qarkores Buxhetore të lëshuar nga Ministria e Financave, e cila paraqet përmbledhjen e kërkesave fillestare të planifikimit e parashikimit për vitin 2025 dhe projeksionit të buxhetit për vitet 2026-2027.

Komuna e Drenasit shquhet për transparencë e llogaridhënie, ndaj me kohë këto dy dokumente, Draft Kornizën Afatmesme Buxhetore 2025-2027 dhe draft-Listën e Investimeve kapitale i ka publikuar në ueb-faqen zyrtare të Komunës.

Ndjej për obligim të ju njoftoj me rregullat e takimit, që diskutimet për buxhet të jenë reciproke me qëllim që të behët një përmbledhje me interes për të gjithë qytetarët e Komunës së Drenasit. Pra, karakteri i këtij dëgjimi është që të jepni propozime, sugjerime dhe të diskutoni për planifikim të buxhetit për vitin e ardhshëm, por jo të jepni komente për projektet e këtij viti, ose viteve paraprake, sepse janë takime tjera ato, kur qytetarët kanë mundësi të komentojnë projektet aktuale.

Para vetës keni dy materiale, draft-listën e investimeve kapitale si dhe informatën se si është planifikuar të adresohet buxheti komunal për vitet në vazhdim.

Fjalën e mori, **Azmine Gjoka**, si anëtare më e vjetër e Komitetit për Politikë dhe Financa në mungesë të Kryesuesit të Kuvendit të Komunës, e cila njoftoi se Komuna e Drenasit ka përgatitur me kohë këto dy dokumente, Draft-Kornizën Afatmesme Buxhetore Komuna e Drenasit shquhet për transparencë e llogaridhënie, ndaj me kohë këto dy dokumente, Draft-Kornizën Afatmesme Buxhetore 2025-2027 dhe draft-Listën e Investimeve kapitale i ka publikuar në ueb faqen zyrtare të Komunës, dhe Draft-Listën e Investimeve Kapitale i ka publikuar në ueb-faqen zyrtare të Komunës. Të nderuar të pranishëm tani fjala është për ju, por paraprakisht ju kisha lut që kur të merrni fjalën, të prezantoheni për arsye të regjistrimeve dhe mbajtjes së procesit të takimit.

Kadri Ajazi, Administrator i fshatit Sankoc, Fushticë e Ulët dhe Fushticë e Epërme: Kërkojmë asfaltimin e disa rrugëve, si: Isufi dhe Ajazi, Lika ,Rama dhe disa rrugica po ashtu kemi probleme me ujë të pijes sepse rrjeti nuk mirëmbahet nga kompania e ujësjellësit.

Ramiz Lladrovci, Kryetari i Komunës pati përgjigjeje për çështjet e parashtruara theksoi që rrugët dhe trotuaret do të shtrohet aty ku prona është publike ose prona private i dhurohet Komunës, ndërsa për ujë dhe mbeturina Komuna nuk është përgjegjëse ,sepse janë kompanitë e caktuara që i menaxhojnë.

Bjaram Qallapeku, Administrator i fshatit Tërstenik I-II: Fshati ka kërkesë për trotuar kanalizim si dhe disa rrugica të pa asfaltuara, ndriçim dhe uji i pijes.

Ramiz Lladrovci, Kryetari i Komunës pati përgjigjeje për çështjet e parashtruara theksoi që rrugët dhe trotuaret do të shtrohet aty ku prona është publike ose prona private i dhurohet Komunës, ndërsa për ujë dhe mbeturina Komuna nuk është përgjegjëse, sepse janë kompanitë e caktuara që i menaxhojnë.

Semedin Kiqina, Administrator i fshatit Baicë: Kërkojë që kanalizimi i ujërave të zeza të rregullohet, ndriçimi publik, dhe deponimin e mbeturinave

Ramiz Lladrovci, Kryetari i Komunës: Sa i përket kanalizimeve të ujërave të zeza nuk ka fshat në Komunën e Drenasit që kemi punuar më shumë se në fshatin Baicë, sa i përket ndriçimit jemi në proces të përfundimit ndërsa sa i përket rrugica po kemi pengesa nga qytetarët në pronë private.

Xhafer Dobërdelani, Administrator i fshatit Korroticë e Lartë, Zabel i Lartë: Kërkojë përfundimin e dy rrugicave që kanë filluar të punojnë si dhe rregullojnë kanalizimin dhe ujësjellësin.

Ramiz Lladrovci, Kryetari i Komunës: Këto kërkesa, tashme i kemi diskutuar në dëgjimin buxhetor të mbajtur në muajin korrik. Dhe sigurisht se janë duke u shqyrtuar, sot nuk jam për të marrë ankesa rreth projekteve të kaluara por për projektet e reja që mund të kemi kërkesa të reja për buxhetin e ardhshëm.

Florentina Elezi-Veliu, Asambliste: Ne si LVV kemi bërë një propozim për subvencionim për lehonat i cili ka qenë shumë i suksesshëm për vitin 2024 mirëpo a do të vazhdoj edhe për vitin 2025? Dhe kërkesa tjetër është për me i subvencionua familjet me kushte jo të mira ekonomike që i dërgojnë fëmijët në kopshte private në këtë formë me ia lehtësua grave në tregun e punës, e kemi bërë si kërkesë mirëpo kjo nuk është aprovuar çka ka ndodh me këtë kërkesë?

Ramiz Lladrovci, Kryetari i Komunës: Sa i përket subvencionimit të lehonave, qeveria është duke u marrë me këto subvencionime dhe sigurisht se do të ketë edhe vitin tjetër. Tutje, Komuna e Drenasit ashtu sikur këtë vit edhe për vitin 2025 ka nda mjete buxhetore për subvencionimin e nënave lehona në shumën prej 100 euro. Ndërsa për subvencionim të çerdheve (familjeve që i dërgojnë fëmijët në çerdhet private), së pari ata duhet të paraqesin kërkesë pranë komunës e më pas do ti shqyrtojmë ato dhe ta shohim se kush i plotëson kriteret sipas mundësive buxhetore.

Zekë Kluna, Administrator i fshatit Poklek i Ri dhe i Vjetër dhe Vasilevë: Në Poklek të Vjetër kërkojmë furnizimin me ujë të pijes, ndriçimin i rrugëve në Poklek dhe Vasilevë, firmat që i kanë kryer disa punime në rrugë gypat janë prish te shkolla në Poklek dhe te lumi "Drenica". Një gropë septike me e mbyll kërkoj me marrë masa sa i përket kësaj çështje. Dhe kërkesë tjetër rregullimi i një parku të vogël te ujit i thartë. Ndërtimi i një fushe sportive tek Banesat e reja në Poklek të Ri.

Ramiz Lladrovci, Kryetari i Komunës: Këto kërkesa, tashmë i kemi diskutuar në dëgjimin buxhetor të mbajtur në muajin korrik. Dhe, sigurisht se janë duke u shqyrtuar.

Dëgjimi buxhetor përfundoi në orën 11:50.

Procesmbajtëse:



Fakete Hoti

Udhëheqëse për punë të Kuvendit të Komunës



Liridona Fejza-Ajazi